

ხელშეკრულება №01-118/2017
სახელმწიფო შესყიდვის შესახებ

2017 წლის 06 ივნისი

ქ. თბილისი

ერთის მხრივ, სსიპ - ცხოველთა მონიტორინგის სააგენტო, წარმოდგენილი დირექტორის მოადგილის ალექსანდრე კოდუას სახით (შემდგომში წოდებული „შემსყიდველად“)

მისამართი: ქ. თბილისი, დავით აღმაშენებლის გამზ. №89/24 - კ. მარჯანიშვილის №89/24;

საიდენტიფიკაციო კოდი: 205316399;

საბანკო რეკვიზიტები: სახელმწიფო ხაზინა, ხაზინის ერთიანი ანგარიში ბ/კოდი: TRESGE22

მომწოდებელი: შპს „სი-ტი პარკ“, წარმოდგენილი გენერალური მენეჯერის ბინიამინ ლაჭავის სახით

მისამართი: ქ. თბილისი, კანდელაკის ქ. №47; ტელ: 2555123;

საიდენტიფიკაციო კოდი: 204543770;

საბანკო რეკვიზიტები: ს/ს „თიბისი ბანკი“, ბანკის კოდი: TBCBGE22, ა/აGE75TB7721336070100003.

ერთი მხრივ შემსყიდველი და მეორე მხრივ მიმწოდებელი ვხელმძღვანელობთ რა „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ზ“ ქვეპუნქტის და სახელმწიფო შესყიდვის სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმები და გამარტივებული შესყიდვის ჩატარების წესის“ მე-3 მუხლის 1-ლი პუნქტის „ზ“ ქვეპუნქტის თანახმად და 2010 წლის 28 სექტემბრის ქალაქ თბილისის მთავრობის დადგენილების №26.01.1232 საფუძველზე, ვადასტურებთ, რომ გამარტივებული შესყიდვის საშუალებით ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. შემსყიდველი აფორმებს წინამდებარე ხელშეკრულებას მიმწოდებელთან, ხელშეკრულების 1.2 პუნქტში მითითებული სააგენტოს ბალანსზე არსებული 1 (ერთი) ავტომანქანისთვის ერთწლიანი პარკირების უფლების შესყიდვასა და შესაბამისად პარკირების სისტემაში გააქტიურებაზე (CPV63712400 – ავტოსადგომთა მომსახურებები), წინამდებარე ხელშეკრულებით გათვალისწინებული პირობების შესაბამისად;

1.2. საქონლის მახასიათებლები:

N	ავტომანქანის მარკა	მოდელი	გამოშვების წელი	სახელმწ. ნომერი	მომსახურების გაწევის პერიოდი
1	BMW	X5	2001	BQ-010-QB	ერთწლიანი (08.06.2017 -08.06.2018)

1.3. შესყიდვა ხორციელდება ადგილობრივი თვითმმართველობის ბიუჯეტიდან 2017 წელს გამოყოფილი თანხებით.

2. ხელშეკრულების მოქმედების ვადები

2.1. ხელშეკრულება ძალაში შედის ხელმოწერის მომენტიდან (2017 წლის 06 ივნისიდან) და მოქმედებს 2017 წლის 30 აგვისტოს ჩათვლით, გარდა ამ ხელშეკრულების მე-3 მუხლისა.

2.2. ამ ხელშეკრულების მე-3 მუხლის მოქმედება განისაზღვრება შესაბამისი მომსახურების გაწევის ვადით.

3. მომსახურების გაწევის წესი

3.1. მომსახურების გაწევა ხდება წინამდებარე ხელშეკრულების დადგენილი წესის მიხედვით, 2017 წლის 08 ივნისიდან 2018 წლის 08 ივნისამდე.

4. მხარეთა მოვალეობები

4.1. მიმწოდებელი ვალდებულია:

4.1.1. მიმწოდებელი ვალდებულია გაუწიოს შემსყიდველს ამ ხელშეკრულების 1-ლი მუხლში მითითებული უნაკლო მომსახურება.

4.1.2. თუკი ხელშეკრულების 1-ლი მუხლით გათვალისწინებული მომსახურება არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე გამოასწოროს ეს ნაკლი.

4.2. მიმწოდებელი უფლებამოსილია:

4.2.1. მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

4.3. შემსყიდველის ვალდებულია:

4.3.1. მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად.

4.3.2. უზრუნველყოს შესყიდვის საგნის მიღება.

4.4. შემსყიდველის უფლებამოსილია:

4.4.1. მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების ჯეროვანი შესრულება.

5. ფასი და ანგარიშსწორების წესი

5.1. ერთი სატრანსპორტო საშუალების ერთწლიანი პარკირების უფლების ღირებულება შეადგენს 50.00 (ორმოცდაათი) ლარს,

5.2. ხელშეკრულების ღირებულებაა 50.00 (ორმოცდაათი) ლარი.

5.3 ანგარიშსწორება სრულად განხორციელდება შესაბამისი მიღება-ჩაბარების აქტისა და ფინანსური დოკუმენტაციის საფუძველზე, წარდგენიდან (ჩაბარებიდან) არა უგვიანეს 5 (ხუთი) სამუშაო დღის განმავლობაში.

5.4. ანგარიშსწორება განხორციელდება უნაღდო ანგარიშსწორების წესით.

6. ხელშეკრულების ინსპექტირება

6.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

6.2. ამ მუხლის პირველი პუნქტით გათვალისწინებული კონტროლისა და ზედამხედველობის განხორციელება შემსყიდველის მხრიდან განესაზღვროს მიღება-ჩაბარების აქტზე ხელმოწერის უფლებამოსილება შემსყიდველის მხრიდან მიენიჭოს სააგენტოს დეპარტამენტის უფროსს ირაკლი ჭანტურიას.

7. შესყიდვის საგნის მიღება-ჩაბარების წესი

7.1. შესყიდვის საგანი ჩაითვლება მიღებულად მას შემდეგ, რაც შემსყიდველის მიერ უფლებამოსილი პირ(ებ)ი ხელმოწერით დაადასტურებენ პარკირების ერთწლიანი უფლების მიღებას.

7.2. მიღება-ჩაბარების აქტზე ხელმოწერა შემსყიდველის მხრიდან განესაზღვროს სააგენტოს ადმინისტრაციული დეპარტამენტის საფინანსო და მატერიალურ-ტექნიკური უზრუნველყოფის განყოფილების ტექნიკურ მენეჯერს გრიგოლ შეყრილაძეს.

8. ხელშეკრულების შეწყვეტა

8.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწყვეტილი ხარჯების ანაზღაურება მომსახურების ხელშეკრულებით გათვალისწინებული ხარისხის მნიშვნელ-ოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

8.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია მომსახურების სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის მიმართ დაიწყო გაკოტრების საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

8.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

9. მხარეთა პასუხისმგებლობა

9.1. მხარეები სრულად აგებენ პასუხს ვალდებულებების შეუსრულებლობის, ან არაჯეროვანი შესრულებით მიყენებული ზიანისათვის.

9.2. ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მიმწოდებელს დაეკისრება პირგასამტეხლოს გადახდა მომსახურების ღირებულების 10%-ის ოდენობით.

9.3. ხელშეკრულებით გათვალისწინებული ვალდებულების შესრულების ვადის გადაცილების შემთხვევაში შემსყიდველს უფლება აქვს დააკისროს მიმწოდებელს ხელშეკრულების ღირებულების 0,1%-ის გადახდა ყოველ ვადაგადაცილებულ დღეზე.

9.4. ხელშეკრულების გათვალისწინებული ღირებულების გადახდის ვადის გადაცილების შემთხვევაში მიმწოდებელს უფლება აქვს დააკისროს შემსყიდველს ხელშეკრულების ღირებულების 0,1%-ის გადახდა ყოველ ვადაგადაცილებულ დღეზე.

10. ფორს-მაჟორი

10.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

10.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

10.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

11. ხელშეკრულების პირობების გადასინჯვის წესი

11.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.

11.2. ამ ხელშეკრულების 11.1. პუნქტით განსაზღვრულ შემთხვევაში შეძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.

11.3. გარემოებათა შეცვლას უთანაბრდება, როცა წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

11.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა ამ ხელშეკრულების 11.1, 11.2. და 11.3. პუნქტებით განსაზღვრული შემთხვევებისა.

12. ხელშეკრულებაში ცვლილებებისა და დამატებების შეტანის წესი

12.1 ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წერილობით შეატყობინოს მეორე მხარეს.

12.3 ხელშეკრულების პირობების ნებისმიერი ცვლილება და დამატება უნდა გაფორმდეს ახალი ხელშეკრულების სახით მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

13.2 იმ შემთხვევაში თუ, ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

14. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

15. დასკვნითი დებულებები

15.1. მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

15.2. ხელშეკრულება შედგენილია ქართულ ენაზე სამი თანაბარი იურიდიული ძალის მქონე ეგზემპლარად, რომელთაგან ერთი გადაეცემა მიმწოდებელს, ორს იტოვებს შემსყიდველი.

შემსყიდველი:

სსიპ - ცხოველთა მონიტორინგის სააგენტო

მიმწოდებელი:

შპს „სი-ტი პარკ“



ალექსანდრე კოდუა
დირექტორის მოადგილე



ზინიამინ ლაჭავი
გენერალურდ მენეჯერი